



## SIARAN MEDIA

### MAMPU MEMENAGI DUA (2) ANUGERAH ICT DI PERINGKAT ANTARABANGSA

**PUTRAJAYA, 10 SEPT** – Unit Pemodenan Tadbiran dan Perancangan Pengurusan Malaysia (MAMPU) telah mendapat **Champion Top 5** bagi dua Kategori *Information and Communication Infrastructure* dan Kategori *Enabling Environment* melalui dua inisiatifnya iaitu **MyGovNet** dan **DDMS 2.0** di *World Summit on the Information Society*, Geneva, Switzerland.

*World Summit on the Information Society* (WSIS) merupakan acara tahunan berkaitan teknologi maklumat dan komunikasi di dunia. Persidangan ini bertujuan untuk memberi pengiktirafan ke atas inisiatif-inisiatif bagi Kerajaan atau organisasi yang memanfaatkan penggunaan ICT dalam mendokong pembangunan yang mampan. Persidangan ini dianjurkan oleh *International Telecommunication Union* (ITU), *United Nations Educational, Scientific and Cultural Organization* (UNESCO), *United Nations Development Programme* (UNDP) dan *United Nations Conference on Trade and Development* (UNCTAD). Tema WSIS bagi tahun ini adalah *Fostering Digital Transformation and Global Partnerships: WSIS Action Lines for Achieving Sustainable Development Goals (SDGs)* dan diadakan secara langsung melalui *video conferencing* dari Geneva, Switzerland.

**MyGov\*Net** merupakan Rangkaian Telekomunikasi Bersepadu Kerajaan (Government Integrated Telecommunication Network) yang diuruskan secara berpusat bagi menyokong sistem penyampaian perkhidmatan Kerajaan. MyGov\*Net menyediakan satu platform rangkaian bagi membolehkan capaian kepada aplikasi-aplikasi Kerajaan Elektronik, aplikasi dalaman Agensi atau Intranet dan capaian ke Internet. Projek ini mendokong SDG 9 iaitu *Industry, Innovation and Infrastructure* dengan penyampaian perkhidmatan mencapai sehingga 11,344 buah pejabat kerajaan termasuk bandar, luar bandar dan kawasan pedalaman.

**Digital Document Management System (DDMS) 2.0** merupakan satu sistem pengurusan rekod elektronik kerajaan yang membolehkan semua rekod kerajaan ditawan (captured) dan diakses melalui internet, di mana-mana sahaja 24 jam sehari. Sistem ini membolehkan pengurusan rekod kerajaan sentiasa berada dalam keadaan tersedia dan efisien. Sehingga hari ini, sebanyak 179 agensi dengan pengguna seramai 42,512 orang pengguna telah menggunakan sistem ini secara sepenuhnya dan dijangka akan mencapai sebanyak 500 agensi pada tahun 2025.

Dengan pencapaian dan pengiktirafan seperti ini, diharapkan kedudukan Malaysia dalam *E-Government Development Index* (EGDI) akan terus meningkat dengan diterajui oleh MAMPU dalam usaha pendigitalan perkhidmatan Kerajaan.

Maklumat lanjut boleh diperolehi di <https://www.itu.int/net4/wsis/forum/2020/en>

**DATO' DR. YUSOF BIN ISMAIL**

Ketua Pengarah

Unit Pemodenan Tadbiran Dan Perancangan Pengurusan Malaysia (MAMPU)

Jabatan Perdana Menteri

\*\*\*